

Premian o mural sobre a reciclaxe da escola infantil de Tal de Abaixo

SUSO SOUTO
Muros

O mural feito polos alumnos da Escola de Educación Infantil (EEI) Tal de Abaixo, de Muros, foi o gañador do concurso *Como reducir os residuos?*, impulsado polo Complexo Medioambiental Serra do Barbanza en colaboración con Adega.

Representantes das dúas entidades entregaron onte o premio ós gañadores: un lote de libros centrados na reciclaxe e en prácticas sostibles, cos que seguir

afondando na importancia da separación e recuperación de residuos. Ademais, o premio inclúe cantimploras para os cativos que fixeron o mural, co gaio de que poidan, dun xeito práctico, comenzar a contribuír a reducir o consumo de botes plásticos e fomentar o consumo de auga da billa.

A proposta gañadora, elaborada por 9 escolares de entre 3 e 5 anos, reflicte por medio de vivas cores a importancia da reciclaxe e a separación. O mural pon de manifesto a transcendencia

que ten que os propios cativos sexan parte activa deste proceso de reciclaxe no seu día a día, afondando nas prácticas de separación que poden levar a cabo xa na escola. A mestra, María Ángeles Legaspi, traballou cos cativos a separación en orixe dos residuos para poder reciclar o papel, o vidro, os envases e tamén a materia orgánica, a través do compost. O traballo incide tamén en que a recuperación de residuos, a reciclaxe e a compostaxe son prácticas sostibles.



Os alumnos posan diante do mural premiado. Foto: C.M.S.B.